



## Uunga:

Inatsisartunut ilaasortaq  
Peter Olsen  
Inuit Ataqtigiit

### **Akiligassatigut kinguaattoorutit pillugit § 37 naapertorlugu apeqquut nr. 064/2018-imut akissut**

Brevdato: 27-02-2018  
Sags nr. 2018 - 5046

Inatsisartut suleriaasianni § 37, imm. 1 naapertorlugu matuma kinguliani allassimasunik Naalakkersuisunut apeqquuteqarputit.

P. O. Box 1037  
3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

#### **Apeqquut 1a:**

*Innuttaasut akiitsuini tamakkiisumi ineqarnermut akiitsut qanoq amerlatigippat?*

#### **Akissut:**

2018-imi januaarimi innuttaasut ineqarnermut akiliutinut akiligassatigut kinguaattoorutaat 67 mio. kr.-iupput.

Paasissutissiisutigineqarsinnaavoq 2018-imi januaarimi innuttaasut pisortanut akiitsui tamarmiusut (akileraarutitigut annaasassanut uninngasuutit ilanngunnagit) 769,1 mio. kr.-inut naatsorsorneqarmata.

2018-imi januaarimi pisortanut akiitsut tamarmiusut eqqarsaatigalugit taakkunanit ineqarnermut akiligassatigut kinguaattoorutit 8,7 %-iupput.

#### **Apeqquut 1b:**

*Innuttaasut akiitsuini tamakkiisumi eqqaaveqarnermut akiitsut qanoq amerlatigippat?*

#### **Akissut:**

2018-imi januaarimi innuttaasut eqqagassalerinermut akiitsui tamarmiusut 33,5 mio. kr.-iupput.

2018-imi januaarimi pisortanut akiitsut tamarmiusut eqqarsaatigalugit taakkunanit eqqagassalerinermut akiligassatigut kinguaattoorutit 4,4 %-eraat.

2018-imi januaarimi suliat amerlassusiat eqqarsaatigalugu suliassaqarfimmi tamatumani eqqagassalerinermut tunngasut inunnut ataasiakkaanut tunngassuteqarnerupput. Suliassat katillugit 317.250-init 108.654-it pineqarput. Taakku akiligassatigut kinguaattoorutit taamaattut pingajorarterutigaat.

**Apeqquut 1c:**

*Innuttaasut akiitsuini tamakkiisumi meeqqeriveqarnermut akiitsut qanoq amerlatigippat?*

**Akissut:**

2018-imi januaarimi innuttaasut meeraaqqerivinnut/meeqqerivinnut akiitsui 15,3 mio. kr.-iupput.

2018-imi januaarimi pisortanut akiitsut tamarmiusut eqqarsaatigalugit meeraaqqerivinnut/meeqqerivinnut akiligassatigut kinguaattoorutit tamanna 2,0 %-eraat.

**Apeqquut 1d:**

*Ineqarnermut akiitsut ukiunik tallimanik pisoqaanerusut qanoq amerlatigippat? (2013-imiit tassanngalu pisoqaanerusut)*

**Akissut:**

Ineqarnermut akiligassatigut kinguaattoorutinit 67 mio. kr.-iusunit 43,3 mio. kr.-it 65 %-inut naapertuuttut ukiunik tallimanik pisoqaassuseqarput.

Akiligassatigut kinguaattoorutit ukiunik tallimanik pisoqaassuseqartut eqqarsaatigalugit ataatsimut isigalugu oqaatigineqassaaq akiligassatigut kinguaattoorutit imaanngimmat pisoqalisutut isigineqartut. Taamaattorli akiitsut ukiunik tallimanik pisoqaassusillit akilersinniarneqarnerat ajornarnerusarpoq, tassa akiitsut pisoqaliartornerat malillugu akilersinniarneqarnerat ajornarsiartortarmat.

**Apeqquut 1e:**

*Eqqaavilerinerimut akiitsunit ukiunik tallimanik pisoqaanerusut qanoq amerlatigippat? (2013-imiit tassanngalu pisoqaanerusut)*

**Akissut:**

Eqqassalerinerimut 13,8 mio.-init 3,5 mio. kr.-it, tassalu 41%-inut naapertuuttut ukiunik tallimanik pisoqaassuseqarput.

**Apeqquut 1f:**

*Meeqqeriveqarnermut akiitsunit ukiunik tallimanik pisoqaanerusut qanoq amerlatigippat? (2013-imiit tassanngalu pisoqaanerusut)*

**Akissut:**

Meeraaqqerivinnut/meeqqerivinnut akiligassatigut kinguaattoorutinit 15,3 mio. kr.-iusunit 10 mio. kr.-it, tassalu 66 %-inut naapertuuttut ukiut tallimat sinnerlugit pisoqaassuseqarput.

**Apeqput 2a:**

*Akiitsut soorliit akilersinniarlugit ajornarnerpaat?*

- a. Akileraarutitut tunngasut?*
- b. Meeqqanut akilersuutissanut tunngasut?*
- c. Ineqarnermut akiitsunut tunngasut?*
- d. Imaluunniit eqqaavilerinermut akiitsut?*

**Akissut:**

Akiligassatigut kinguaattoorutit ataasiakkaat akilersinniarneqarnerat assigiinnigissuteqanngilaq, tassa akiliisitsiniarnermut atatillugu Akileraartarnermut Aqutsisoqarfiup malittarisassat arlallit malittussaammagit, assersuutigalugu pigisanik nalilinnik piginnittut pigisaminnik piginnissinnaasariaqarnerat pillugu malittarisassat (akiligassalik/akiitsulik ulluinnarni inuussuteqarnissamut periarfissaqarnissamut periarfissaqartinneqarnera) kiisalu akiliutigineqartut akiligassatigut kinguaattoorutit akiligassaqarfimmut nammakkiinerusut annikillisarniarlugit atorneqarneqarnissaat Akileraartarnermut Aqutsisoqarfimmit qulakkeerseqartussaammat.

Aammattaaq apeqput 1 d-mut akissummi immikkoortoq kingulleq innersuussutigineqarpoq.

Inussiarnersumik inuulluaqqusillunga

Aqqaluaq B. Egede